

Izjava visokog predstavnika Valentina Inzka nakon sastanka s Predsjedništvom FBiH



Nakon današnjeg sastanka u OHR-u, visoki predstavnik Valentin Inzko pozdravio je najavu predsjednika Federacije BiH Živka Budimira i dvojice potpredsjednika Mirsada Kebe i Svetozara Pudarića da će u naredni utorak objaviti ime zajedničkog kandidata za upražnjeno mjesto u Ustavnom sudu Federacije BiH.

„Ovo imenovanje predstavlja važan korak naprijed prema osiguranju kapaciteta Ustavnog suda Federacije BiH da ispunjava svoje ustavne nadležnosti“, rekao je Inzko.

Visoki predstavnik očekuje da će uslijediti daljnji koraci nadležnih organa koji će voditi ka uspostavljanju punog kapaciteta Ustavnog suda Federacije BiH.